

রেজিষ্টার্ড

মাসিক পত্রিকা

বিষ্ণুপ্রিয়া ভাষার ইকরা  
মাসিক সাহিত্যিক পত্রিকা-  
হানর দাম ২৫ নং পঃ বা  
১০ চারি আনা। বছরে  
রূপা হিনহান আগে দিয়া  
পত্রিকা হান লোদেনাকা  
হাবিরে অমুরোধ করুণী।  
সম্পাদক

# কাল

বিষ্ণুপ্রিয়া ভাষার মুখপত্র  
সম্পাদক—শ্রীকৃষ্ণবাবু সিংহ রাজবংশী।

২য় বর্ষ ]

জানুয়ারী, ১৯৬২ ইংরাজী।

[ ১ম সংখ্যা ]

## সম্পাদকের কথা

কাল পত্রিকার পাঠক পাঠিকার লগে দ্বিতীয় বছর মোর অন্তরর প্রেমর প্রথম মিলন আজি তরুণ পত্রিকাহানর মাধ্যমে অয়া বারগা। শ্রীকৃষ্ণদেবর রূপায় বারো মহৎ পাঠক গিরিগিথানির আশীর্বাদল এবছর এহান হোতা অয়া অর্থায় হাবির লগে অন্তরর প্রেম প্রণয় থয়া চগিয়া থানা মনউরী। হোতা ঠারহানল হোতা মুংসিপা কথা হংকরাপি, ইকরাণির কমতা উহান মোরা মেয়, উহানেতে পাঠক পাঠিকার মনর ভাবর খোয়াক যোগানি নাকরী। যে কমতাহানি আছে উহানিচো প্রকাশ করে নাকরী কারণ "পাছে লোকে কিছু বলে" এতাহানি খালকরিয়া কলমগর থতাহান বন্ধ করিয়া ধৌরী। ইংরাজীতে প্রবাদ বাক্য আহান আহেতায় Loves know no law অর্থায় জানা পানিরাং আইন নেয় বিচার নেয়। মি কিতাউ না জাহু অধম এগরো হাবি সময় উসাদে জানা, হুংসিপানা উহান হাবি গিরিগিথানিরাং ত পানা উহান মনেয়া থাহু। নুয়া বছরর মিলন বারো হমাহান লদিবাঙ। হোতা হোতা প্রবন্ধ

কবিতা, পদ্য ইকরিয়া দাপেঠাদিবাঙ। সংক্ষেপে ভাবহান অর্থহান কুটোয়া ইকরবাং। দীঘল বা ক্রমশ নাংবাং। পাঠর সমালোচনা সংক্ষিপ্ত ভাবে করলে হোতা অজ্ঞতে পারে। বিরুদ্ধাবিরোধী কোন রকমর প্রবন্ধ না দাপেঠাদিবাং। লেখা হোতা অনি বারো কাগজ হানর আকগদে ফাক ফাক করিয়া ইকরানিরকা হেইচাকরুণী। গেলেগা বছরকার পত্রিকার দাম হুরা করে দাপেঠাদেনারকা অমুরোধ করুণী। গেলেগা বছরে মোর পরিশ্রমর মেহনৎ বাদে রূপা ৮০০ হান ক্ষতি অছু। উহানেতে মলাট বা নুয়া পাতা পত্রিকাহানাং লাগানি মাহলু। এ বছরকার পত্রিকার দাম আগে দেনারকা হাবিরে অমুরোধ করুণী। গেলেগাবছরকার পত্রিকার দাম দিয়া পত্রিকা হাবি সংখ্যা না পেয়লে নাপাছি সংখ্যাউহান জানেইলে মি দাপেঠাদিতো। ডাকে গোলমাল অয়া এঅবস্থাহান অরতা। বহৎ পত্রিকা ফেরং আহিল। গেলেগা বছরর পত্রিকার মূল্যর যদি ডিসেম্বর মাহার পত্রিকার ভিতরে লাগেয়া দাপেঠা দিলু। কোন জনে না পেয়লে মোরে জানাইবাং।



## বিষ্ণুপ্রিয়া ভাষার তৃতীয় সাহিত্য সভা

- বিষ্ণুপ্রিয়া ঠারল ইকরা পাঠশালায় লেখিক (ক'মানেও ২। শ্রীযুক্ত ধ্বজরাজ সিংহ, বি-এ সাহিত্য বিশারদ, সহঃ শিক্ষক, অকরিয়া ওয় মান পেয়া শ্রেণীর হাবি স্বকমর লেখিক) পরীক্ষা করিমগঞ্জ গভর্ণমেণ্ট হাইস্কুল।
- করে দেয়ারকা তলর নাং ইকরা ডাঙরিয়া গিবিগিখানী ৩। " মদনমোহন মুখার্জি বি-এ হেড মাস্টার, চরণগোলা হাইস্কুল।
- এতারে বিশেষভাবে হেইচা করবী। পরীক্ষা করানির ৪। " গোপীমোহন সিংহ, নন্দ্যাল সহঃ শিঃ শিবের স্কুল হাই স্কুল।
- তারিখ ১৩।১৪।১৫ই এপ্রিল ৬২ইং (৩০শে চৈত্র ৬৮ বাং ও ৫। " গোকুলানন্দ গীতিস্বামী—রাতাহড়া (জিপুরা)
- ১২রা বৈশাখ ৬৯ বাংলা) বারহান ইরেই ঠাংচা, আইমচিং। ৬। " কৃষ্ণধন সিংহ, সহঃ শিঃ মিত্যানন্দপুর এম, জি পুন্ড
- বিয়ানে ৭ মাত বাজিহ আরম্ভ অনা। বিষ্ণুপ্রিয়া ঠারর ৭। " প্রসন্নকুমার সিংহ এম-এ প্রফেসর কৈলাসহর।
- অভিধান লেখিক উদ্যানী পরীক্ষা করানি লাগতহ। লেখক ৮। " শ্রীযুক্ত চন্দ্রবন্দন সিংহ, সাহিত্য লেখক
- লেখিকারে অমরোধ করবী যে দয়া করিয়া তারুর নিজর ৯। " ইন্দ্রকুমার সিংহ, চিত্র ও উপক্লাস লেখক
- ইকরা পুন্ড পাঠা লেখিক উতা সভাহানর তারিখর আগে ১০। " সেমন্তল সিংহ, সহঃ শিঃ নারায়ণ নাথ হাই স্কুল।
- ফগু পত্রিকার সম্পাদক গিরকর নাঙে দাপেঠাদিবাং না হয় ১১। " সম্পাদক, কাণ্ড পত্রিকা।
- লগে করিয়া সভাহানাং আহে বিবাং। ২৪ বারো ওচ মান ১২। " ইন্দ্রকুমার সিংহ, চিত্র ও উপক্লাস লেখক
- শ্রেণীর উপযোগী কবিতা পত্র ৫০ হান চৈত্র মাহার ১৫ই ১৩। " সেমন্তল সিংহ, সহঃ শিঃ নারায়ণ নাথ হাই স্কুল।
- তারিখর ভিতরে দাপেঠাদেনারী হাবি লেখক লেখিকারে ১৪। " সম্পাদক, কাণ্ড পত্রিকা।
- হেইচা করবী।

(পরীক্ষক মণ্ডলীর নাঙ বারো ঠিকানা)

- ১। শ্রীযুক্ত মদনমোহন সিংহ বি-এস-সি, বি-টি, উপদেষ্টা  
নন্দ্যাল, স্কুল শিলচর, কাজাঙ্

সভা আহ্বায়ক—  
শ্রীমদনমোহন সিংহ, রাজবংশী  
লেখিক লেখক বারো কোষাধ্যক্ষ, কাণ্ড পত্রিকা।

### প্রেম

শ্রীচামরুপি সিংহ

তরুণোদয় সাহিত্য ও কলা পরিষদ, নরসিংপুর।

প্রেম বুলতারি বস্ত্র উহান,  
ইন্ডাল ডাল তার মিঙালহান।  
মুয়া পুহাণা নেই তারাত,  
চের বিছারি' রসিকরাং।  
যতই যাবণা বসেহান তার,  
অর কঙালা ততই তার।  
মাঙনি তাজনি নেই তারাত,  
(এ) নিত্যবস্ত্রহান আছে কোরাং?  
যুগে যুগে হরি অবতার,  
কোন যুগে সময় না পার;

কলি যুগে গৌর আহিল,  
প্রেম বস্ত্রহান করল দাখিল।  
(এ) অমূল্য ধন লইল কোংগে?  
—শক রসর বহিক য়েগে।  
সাকী আহি রূপ: সনাতন,  
(তার) ল' পারেছি এ অমূল্য ধন।  
প্রেমনায়ক কৃষ্ণ পানী  
বৈগৈ আশা করের,  
কানা উটে পানি ডালিয়া  
অনমহান মা:করের।



## কাণ্ড ব্যর্থ জীব পৃথিবীর

শ্রীমহেন্দ্র চন্দ্র সিংহ, সম্পাদক

স্বদেশপোষক লিখিত্য ও কলা পরিষদ, নবসিংপুর।

না জ্ঞাত, কতি বহু প্রেম—

প্রশান্ত সাগরের ডেউকা লাক্ষ্মীনেই

না পার বিছাড়াই প্রেম সন্ধানী বোড়ালে

প্রেম মুক্তা সূক্তি ধাম— অজুর বোঁধাঙে ।

আর বিছাড়াই কতি জনমের দেখা পেয়া

খোঁনি কাটা চাকতির ডেউকা

\*

\*

\*

ব্যর্থ জীব পৃথিবীর— প্রেম সন্ধানী অগাধ ।

লুকায়ে গোপনে কতি অধরা প্রেম,

নিষ্কামী সাধকের সাধনার ধন,

সংসারীর আঁহির আড়ালে নিহুতে

মনের গোপন কোণের বহিন ছপনের ডেউকা

দীক্ষাহীন বেহুঁসু মাথু

চলেছে ধাপে 'ওয়েশিব'-অর পিছে নিছানিছি ।

মহেন্দ্র রক্ত পড়া কাণী জায়ে ব্যর্থতার দাম

চুকে চুকে

মরণের পথে গামে ত্রিভা ক্রায় বেহুঁসিল ।

## আশা

শ্রীস্বপ্নীলকুমার সিন্ধা গড়েগল, (কাটিকুন)

—বিজয় বসন্ত—

জীবনী হরকাস গাঙ শৌধান। বাবানে নবীন ছড়াহান  
কুলু কুলু বহিরা গ্রীষ্ম, বর্ষা, শরৎ ও হেমন্তের কতদিন পেয়া  
চলতে ধার। তার পারগত গাঙের পাঠশালা সুলল।  
গাঙহানর মুক্তদেউ সড়কগ লিটিয়েদেউ সড়কগ থায়াই চেয়েতে  
কবর হোতা। গাঙহানর মাসুর একতা উহান টটরাগির  
মত উপসুক্ত। গাঙর মাসুরে বাবু গিরকরে কথায় বাঁধায়  
নিয়াম একরতারা। জীবনীয়ে আদর্শ গাঙহান গড়েয়া  
তুলানি ভবিষ্যতর তাম্র আশাহান।

বিজয় বসন্ত গাঙ উহানর শৌজগ। বিজয় লেইরাপা  
শৌগ, বাপকগ নেই, মালক আছে বারো তার খোঁজি বনক  
শৌগর নাঙ সজ্জা। বিজয়র বাপকে তারকা বুঁদিয়ে তিন  
কিয়ার আহান থায়া গেছেগা। মালক ছাবীয়ে উহানিলো  
শৌগি পালতৌ বুঁদিয়ে বিজয়র নেইখোহান চেয়া আছে  
হেইর আশাহান ভবিষ্যতে বিজয় ডাঙর অয়লে.....।

কসম তার বাপক-মালকর আঁকখুলা পুতকগ। বাক্য  
হুঙেই অয়া তাহু চলতারা। পাঁচ বছর অয়ল বসন্তরে সুলে  
বেনা একরল বুঁদিয়ে বাপকে সুলে জড়ি করে দিলগা।  
পিছর দিনেই তা সুলে বান। অকরল। বসন্ত সুলে বারগা  
উহান দেখিয়া বিজয় মালকরে মাংলো—“ইমা মি সুলে  
বিংগানেই?” মালক হুঁসিমীয়ে তার কড়ালা আশা উহান  
দেখিয়া উত্তরে মাংলো—“কালিহ বিজ্গা বাবা” উহান  
হনিয়া বিজয় নিয়াম হারো অয়া থাইল। সন্ধ্যাহান অয়ল—  
বাতি হারোহানে ভাত না খেয়া ঘুমজিলগা। বাতিহান  
কুয়েইলতাই বসন্তর লগে গিয়া তিলইল গা, মাংলো ‘বসন্ত’  
আজিতে মিহো সুলে আয়তো। বসন্তর উত্তরহান না বাসেয়া  
বারো মালকরাং গিয়া মাংলগা “ইমা সময়হান অয়ল মি  
খাউরিগা”। মালক ছাবী হোতা—খেলহান চেয়া পুতকরে  
সুলে জড়ি করে দিলগা। পিছর দিনেই বিজয় বসন্ত



আকতা অ্যা বানা অকবলা । এসাদে করিয়া সুলে আকতার  
বিতারাগ। এই আনা বানার মাথে তাহর দ্বিগি উদাক  
বাধেইলা ।

পয়লাকার বছর উহানার পুরি বিজয় বসন্ত হাবির গজে  
অ্যা পাশ করামি অকরলা । পাঠশালাগে তাহু জবর নাও  
করিয়া যে বছর সুলগ লয়করলা ঐ বছর উহান বিজয়  
এক নবর বারো বসন্ত হুই নবর অ্যা সুলগ পাশ করিয়া  
তাহুর ওয়া গিরকরাং গিয়া সুলি ধুরিত্তাক অ্যা মাতলা,-  
“ওয়া আমারে বর দিয়া দিক্ বাহাতে আমি ওয়ার নাও হান  
জাল করে পারিয়ার” উতা বুলিয়া আশীর্বাদ গ্রহণ করিয়া  
নিদায় লয়লা । শ্রীবানীর শ্রীহান তাহুর ভবিষ্যৎ আশাহান ।

পাঠশালাগ বেলেয়া মাইনা সুলে ভক্তি অয়লাগা বিজয়  
বসন্ত । উপেইতৌ গিয়া তাহুর দ্বিগি বেয়াপার, গাজর  
বারো পয়লাকার ওয়া গিরকর সম্মানহান থায়া হাবির গজে  
গজে অ্যা মাইনা সুলগ লয়করলা । জবম অসি দিনেই পুরি  
পাঠশালাগ বারো মাইনা সুলগ জামকরলা, এহানার মাথে  
ভক্তি, আদর, মমতা, জিনিবর মূল্য, সময়ও মূল্য এতা সম্বন্ধে  
অনেক জ্ঞান পকইলা । গাজহানর বেয়াপা গিরি গিপানিতে  
এশৌ দ্বিগিয়ে গাজহান আকফির জাল করতাই বুলি এহান  
ভাগ হানাং নিকরলা । তাহু হাবিয়ে জগবানবাং বও মাগতা  
শৌগিরকা বুলিয়া । বাবু গিরকে মনে মনে এ—শৌদ্বিগিয়ে  
ইমারকা Mother-land বুলিয়া আকফির আখির পানি  
বেলতাই—এহান মনে করল । তাহুরে দেখলে জানা পেয়া  
ডাকল পুরি কলা কিতা খৌয়েয়া দিয়া পেঠার । এসাদে  
করিয়া বিজয়বসন্তবাং উজ্জ্বল আশাহান থইলা গাজর মাতুরে ।

জাতিয়াবী মাহানর ১৫/১৬ তারিখর মাপা-উগত বসন্ত  
বিজয় পুরি প্রায় ৫টার সময়ত বিজয়ের ঘরে গেলগা ।  
বিজয়ে দেখিয়া ইতাও কুরাংতে বুলিয়া মাতেইল । বসন্তর  
মনহান থানি দুঃখর গদে দেখিয়া বারে বারে আংকরের ইতাও  
কিসাদে ১২থর কথা আছেতা না কিতা ?

বসন্ত :—কুণ্ডতে কিতা ; মি কালি টাউনে আকফির  
যিতোগা ।

বিজয় :—হাঃ—কিডাকা ?

বসন্ত :—হাঃ কালি বাবার আয়া টাউনে গিয়া লেটিক  
তামকরিয়া থানারকা মাংল হানতে ইতাও আহরণ না কিতা  
হাবপানিং আছেছুতা ?

বিজয় :—হাঃ মাতর হানতে যে, কিন্তুমান মি যে  
লেইরাপাগ মোরে ইমাই টাউনের খরচ উহান জলা পারতই  
কিনা । একেত সখা ও সুল জামকরী । তাবো  
অতবহুর মি তাহুরে বেলেয়া আখানি নাবতো । মি হাবি  
গদেই লেইরাগ ইতাও ।

বসন্ত :—অঃ ইতাও “While there is a will there  
is a way” মনে করিস্ । অর্থাৎ মনেহলে উপায় অর ।

বিজয় :—তবুও ইতাও এনের অবস্থা এহানাত কি বে  
করতু “Money leads to success in everything”  
বুলি কথ্য আখান আছে । তাবো তি থায়া, মোরে না  
পাহরিস্ । হানি-হাদিং চিঠি দিস্ । বারো মি ইতাওরে  
বিলেব করে মাতুরী শ্রীবানীর আশাহান ।

বসন্ত :—বাছা ইতাও ! এহানাত মি কথা আখান মাতিঃ—

বিজয় :—মাত্ !

বসন্ত :—আমি যে আমার এই গাজহানর মঙ্গল এহানর  
উজ্জ্বল হুকা কামনা করিয়ার । দেশর-দশর জাতির গতির  
চিন্তাতে স্থপ না করলাং ।

বিজয় :—চুন কথাতান, কিন্তু দেশর-দশর চিন্তা করতে  
গেলেগা নিজর ঘরগ আগে ঠিক করামি লাগের Charity  
begins at home বুলিয়া ইকরা আছে । কারণ আজি  
ইতাওয়ে টাউনে লেটিক তামকরাত বাবগা এহানার মাথে  
কিতাপারা টাউনে গিয়া বরেদে কিহান কিহান বুলিয়া থাইলে  
লেটিক তামকরানি অয়লতা—নাহল । ইতাওয়ে এমন তাবে  
থানা লাগতই যে বরেদে বাবা আছে চিন্তা নেই । ঠিক  
উসাদে আমি কিতাপারা দশর সেবাত লামিয়ার, উহান অয়লে  
নিজর গাজহান হাবি সময় জরগার স্থলহান বুলিয়া থানা  
লাগতৈ । উহানলো মাতুরী না পাহরীস্, শ্রীবানীর আশাহান ।  
বসন্ত চুম্ছে বুলিয়া উদাকর মাগকরে তনক সখ্যারে মাতেয়া  
করিয়া বরেদে গালইল ।



গিহর দিন বাপকে টাউনর হাই স্কুলে নিয়া বসন্তের ভক্তি করে দিলগা। বিজয় গাভর হাই স্কুলে গিয়া ভক্তি অফলগা। বছর বছরে তাহু পাশ করিয়া নাভ করানি অকরলা। বাপকে আকুলা পুতকগ বুলিয়া বসন্তের হোতা হোতা কুতি ফালি লদের। দ্বি মাহা কিতা থায়া বাইসিকল আহান লদিল। বসন্তর ছাং উহান নিয়াম হোতা, আনুনিক চাকুরাই নিয়াম ঠিক পেটতারা চরেদে-চাকুরা দলেই নিয়াম। পয়লাকার বছরে পুজার ছুটিত বিজয় বসন্ত ত্রিলয়া গাজহানর পণঘাট হস্তরাণি অকরলা। এসাদে করিয়া গাজহান বেয়াল করে করে অষ্টম মান পাশ করনা। বসন্ত হারো হারো অজা করে আহিল। বাপকরে মাথলো বালা মোরে বড়ি আপই চশমা আহানে লয়াদে। পুতকর কপাহান ছনিয়া রূপা আহো হাভবেই আহান দাদিল। রূপা পেয়া হারো অ্যা বারো টাউনে গেলগা। ছয়া বছরে গুয়া কুতি আরস্ত করল বসন্ত। মিয়ার ঠেলে চাহা পিয়েত, হোটেলে ভাত খার—বিস্কুপ্ৰিয়া ঠারহান আলিপার। স্কুলে যারগা আক দিন টাউনগ বুলের তিন দিন মনোযোগ দিয়া সিনেমা চানা অকরলো বসন্ত। এসাদে করিয়া ঐ বছর উহান পরীক্ষাং কোন রকম পাশ করিয়া সিনেমার চুলর কাটিং করেছে বসন্ত ঘরে আহিল। গাভ বরর লেংকারতুল বাংলা উটতার। সজ্যার সমস্ত নোদ্বিহান শিদিয়া বুলাত্ গেলগা কপুরি গাভর শোবে আঠইগা নাং ধরিয়া ডাছে ডাছে মাতের হেই মাণ্টু মানিক; তোরা পড়াশুনা করনা দেখ্ছি? মনোযোগ

দাও। মইলে শান্তি পাবে বুলিয়া গালা গালা খাটি বাংগালীগ অলখা চলের। হাদিহাদিং শৌউতারে কান মলা, চাপকদেনা অকরল। বেয়াপাহাং ভক্তি আদর না থয়ল। এসাদে অবহায় লেহাউর কুলগ পারা আইল বসন্ত। লেহাউগর যেসাদে জনার রূপহানে, আমোদিত গন্তহানে মাতুর মন চর করের উসাদে রূপে গক্ষে পরিপূর্ণ আছে তারাং কিন্তুমান মধু নেই। ঐ কারণে বৌবনকালে ভ্রমরা নায়তারা বিহার কহানিত। তুল্য রূপে বসন্ত সাদে মানে, যেন আবেইল পণ নেই কিন্তু ভক্তি গুণর অভাবে হাবিয়ে আলি-পালি অকরলা। তার হাবি রকমর খবচ চালেইতে গিয়া বাপকর সম্পত্তি লাগরণ তার চেউয়ে কুল লাগানি অকরল। ঐ বছর মেট্রিকর টেষ্ট পরীক্ষাং ফেইল করল। উত্তাউ বুলানির লাগর হানাং ইতার খেলার। অহতে অহতে হাবিরাং অপ্রিয়গ অফল বসন্ত।

টেইপাং মাতুর পরিবর্তন এহান স্বাভাবিক ধর্মহান। কোন পথের পথিক অছিল বসন্ত; আজি তা উত্তা হাবি পাহরেছে। হাদিহাদিং বিজয়র তুল তিলরগা। ত্রিলয়া সিনেমার ঘ্যারির রস নিকালো নিকালো দেব। কিন্তু বিজয় ঐ বছর টেষ্টে নাভ করিয়া পাশ করিয়া কাইনেলরকা অবিশ্রামে পরিগ্রম করেব। সজ্যার খবচ পেয়া চালাইতে গিয়া এই পর্যন্ত বি দ্বি কিয়ার মাতুরাং এরাবিল।—মাহাক পাঠল।

মাততৌ ডাক্তৌ তোরে

উমারানী সিংহ

C/o. শ্রীমাণিকলাল সিংহ, গৌহাটী

বৌবনে কোনদিন না ডাহিছু তোরে,  
মুহেও কোনদিন না কাপেছু জুড়ে  
খোর নেই মোরে বে  
শক্তি নেই করে দে

না মাতেছু তোরে।

ডাঙর পথ বাট টেঙারা কিতা  
এতাবেষ্ট মজল এটম উত্তা,  
হাবিতা দেখেছু আজি।  
আরতাও থলু বাছি—

না মাততৌ তোরে।



সেমক আছিল ডাঙৰও অছিল,  
ঐশ্বৰ্য্য আছিল বিরাগও নাছিল;  
আশা আছিল লোভান্ত অছিল,  
মনৰ আশা হাবি মিটাইল  
না ডাহিয়াও তোৰে।

সেমক ডাঙৰ ঐশ্বৰ্য্য আশা  
আজি অইল হাবিতা মিছা।  
কনক কিশোর যৌবন এতা  
আছে পড়িয়া বেপেইত বেতা  
দেনে উত্তা নাহবে।

কনক কিশোর যৌবন বুলিয়া  
আছিল আশি, না চাছু বেলিয়া  
বেলীহান পড়িল আৰ  
মেললু আশিগি বাব-  
কিন্তু না দেখলু কারো।

অতীত আনিয়া ডাঙৰ নাইতো  
বৰ্ত্তমানল টেঙাবা নাছাইতো  
ভবিষ্যতে মিয়াম না চেইতো  
ধেন মেলিয়া হারো অয়তো  
দোবী না কৰতো ঘোৰে।

আশিগি বুলিয়া আশাৰ দেখহ  
জাঙহান দুহুদে চোলানি নাৰলু  
শুতিৰ ছয়াৰ খুলানি চেইলু  
উৰহানে বাব ঘাটেও বেগলু  
কাঁদিয়া ডাহিয়া তোৰে।

নিক্কা নিক্কা ডাকতো তোৰে  
হাবি সময় অস্তৰগ জুড়ে।  
তি আহত মোৰ বাৰাদে  
শক্তি নেই তি ছাড়াতে  
মাস্ততো ডাকতো তোৰে।

---

## মিতা

শ্রীবীৰকুমার সিংহ, পাকইরপাৰ

আৰ কতদিন ডাকতু তোৰে  
পাব কৰেদে বুলিয়া  
মাখি, তি না হনিয়া ঘোৰে  
আজি না বেইপা বেলিয়া।  
হুখে কাটের দিন হাবি তোৰ  
কিতাও খাল্কা নেই,  
এমন মোৰ জিগয় অলৈৰ  
, হারো তিয়াম কই।

সেক্যা অন্য বাকী আছিল  
ডাকলে মোৰে আৰ,  
খান কাপানি বাকী আছিল  
কিছাদে নিতু সাগ।  
হ্যারো কবিচা স্লেখে বেলিয়া  
ছেইছা মোৰ ঠেলিয়া,  
কামহাৰি মোৰ থলু এড়িয়া  
নেপা আজি আহিয়া।



পৃথিবীর মাথু এতার ছায়ে  
তাকে সাড়া মাদলে,  
যেইতেইগা বেজিয়া, ভাবতু কিছাদে  
কামে মন্ত খাইলে।  
মি নারোরি তোরে বেজিয়া  
এপেই আকুল্লা পানা,  
বাগাদে মোরে পথগা চিনিয়া  
কিছাদে তোরে পানা—(পানা)  
তোর মোর এধানির খাটহান  
এছাদে ডাঙর বলে,

নিউকহানির শক্তি কিহান  
উহান হাটা বলে।  
হৌ পারে কি লৌ না বাগগা  
না মনেয়া না হনও তি,  
ও মিতা তি আয়নে নেগা  
যারৌ না করি অতি।  
না হনতেই, না হনি উতা  
মি ও হিহু পথগা,  
আকুদিন তে মিলতো মিতা  
এড়দিয়াও ঠাইগ।

## সরলা

(দ্বিতীয়) (পূর্ব প্রকাশিতের পর)

শ্রীহরেকৃষ্ণ মুখার্জি, চোঃকুড়ি

সরলা ও তুলসী বিহারাগা কোন অসীমর সন্ধান—  
সন্ধানীর আলোর পরশে। কণে কণে তাহুর অবলা-হুলত  
ভালহান পবিশুট অর। পথগর বারাদে ভাল তমাল  
আত্মরাজী—ভালে ভালে মনুর মনুরী। কোকিল পক্ষম হুর  
তাহুর মনে মনে জাগাদের আনন্দ শিহরণ। অগ্নির গুহনর  
মুক্ত পবনের সোকাগে জাগেইল তাহুর অতরে মুক্তির প্রসরণ।  
আতে ধরা ধরি করিয়া বিহারাগা নিউল শৌ দ্বিগে।  
অজানা যাত্রার পথগোদে।

হঠাৎ তুলসী উঠাইলী—সরলা উঠাইলী—নিউক, গম্ভীর,  
নির্ঝীক, শাস্ত্র, জ্যোতির্মান অরা। কি অপূর্ণ বদার, কি  
অমৃতলেপা শররাজী তাহুর কানে ঝড়ত অরল  
—নব জগতর বর্ণ চম্পকোদ্ভাসি কর্ণ।  
বিকশিত নলিনাক্ষর বিক্ষরণ মল হাতর।  
কনক কচিদুলং চাকরহাঁবচুড়ং।  
কমলিনিধিলগ্নার শৌমি গোপীকুমারং।  
বর্হাপীড়ান্তিরামং দুগমদতিগতং কুণ্ডলাক্রান্তবণ্ডং।  
কজাব্য কবুকঠং দ্বিতপ্তগহ্বং স্বাধরে নাস্তবেণ্ডং।  
শ্রামংশান্তং ত্রিতপ্তং ববিকর বগনং তৃষিতবৈত্বন্ত্য।  
বতে বৃন্দাবনস্তং নুততি শতবৃত্তং ব্রহ্ম গোপালবেশং।

সরলায় মাতিবী তুলসীরে—হনলে হমাজী কি অনুভলেপা  
হুরগো। তুলসীয়ে মাতিবী—হায় হমাকি। লগে লগে  
তাহু দে বেদের তাহুর স্বরণ আয়া কানে বাড়িল উগেদে  
থালকরে গেলেগা—কি পরলেইহান নবীন সন্ন্যাসী আগো  
বরা আছে—কি দম্ভীর্ঘ, কি লেশাভী—কণে কণে তার শ্রীমুখের  
কৃষ্ণ কৃষ্ণ নাংহান নিকুলের। আশিগ তিপাছে, দীর্ঘ কেনী  
মনে অর যেন ইন্দুবিম্বিত, অনিন্দ্যচন্দ্রর মদন এপেইত  
আয়া এ জ্যোতিময় পুঙ্খ এগর সাদে কলগা। এ জ্যোতিময়  
পুঙ্খ সন্ন্যাসীগর বুড়ে অভিনব ভলধর হুলর মনর শ্রীমুখের  
চকোর মদন মোহন শ্রীকৃষ্ণ উগর বাগেদে গোপিকা  
শিরোভূষণরূপা, হবির রত্নর ভ্রমরের মজরী স্বরূপা কৃষ্ণপ্রিয়া  
শ্রেষ্ঠা, হুহাসিনী, অজাধিনী বৃন্দাবনেবরী শ্রীরামিকা। সরলা ও  
তুলসী উগরে অনিমেব নেত্রে চেয়া থায়েলো—তাহুর দ্বিগর  
থতাত আত্মকহান গীত অরল।

কনক-মুকুট চুড়ৌ পুষ্পিতোত্তমিতাঙ্গৌ  
সকল-বন নিবিশৌ হৃন্দরালপুঞ্জৌ  
চরণ কমলাদিবৌ দেবদেবাদি মেবৌ  
ভজ ভক্ত মনবে রাধিকা কৃষ্ণচন্দ্রৌ।  
এ শ্লোকএহান হনিয়া সন্ন্যাসীর আধিভিগীত আশির



পানি পড়িল। ঐ শ্লোকহান লখনতাই সম্রাণীউগই আকরল—  
হে সুবকসী তুমি কিতাবকা এশেইত আহেছ?—এ ঘোর  
স্বাভিহানাৎ—?

সরলা ও তুলসীবে মাংলা—বে অন্তরকা বুলিয়া  
আপনি, বোবন, ধন, জন, স্ত্রী, পুত্র, আত্মীয়, স্বজন পরিত্যাগ  
করিয়া এ নিৰ্জন নিরলা ভপোবনে আহৎ; সেই অন্তর  
সন্ধান নেনাৎ এপেইর মাংল আইলাতা।

অধিগই মাংলো—তোমাৰে মুনিগী বুলিয়া বিশ্বাস নার;  
হাওদে বেতাউ অক। তোমাৰ নাংহানি মাতো?

সরলা উত্তর দিল—মোর নাঙ সরলা। তেইর নাঙ  
তুলসী।

অধিগই মাংলো—তুমি কিতা চাৰায় মৰাং মাতো?  
আকবালা পুলিয়া মাতো।

সরলা ও তুলসীয়ে মাংলা—আমি তোরাং তোর বর্ষে  
দীক্ষিত অনা মনোহাৰ।

অধিগই মাংলো—কি আচানকহান অমাটিক কনাকেন্ত  
ধৰ্ম্ম ধৰ্ম্ম ধৰ্ম্ম বুলে বুলে কিহান অছতা। তোমাৰ ভেকি  
মাংলয়ে দেশ সেবা, জাতি সেবা, দরিদ্র সেবা করিয়া থাক্তাবান  
তুমি বারো ধৰ্ম্মে দীক্ষারকা আহেছ।

সরলা মাংলো—আমিও দেশ সেবা, জাতি সেবা, দরিদ্র  
সেবা কহানি মনোহাৰ। কিন্তুমান জন্ম ধৰ্ম্মাঙ্গ মাংলোতে  
উহানর নাং সেবাহান নাগয়। জাতিসেবা অৰ্থ অয়েলতায়  
জাতির কুসংস্কার উতা হাবি মাংকরিয়া আধ্যাত্মিক উন্নতির  
পথে মেনা উহানর নাঙ জাতি সেবা, সমাজ সেবা, দরিদ্র  
সেবা। আমিতে নিজর মনর কুসংস্কার উতা মাংকরে নোয়া-  
বেছি হানতে নিজর জাতর কুসংস্কার কিসাং মাংকরতাঙাই  
নিজে আচরি ধৰ্ম্ম পরেৰে শিখায়, এইতো পরম ধৰ্ম্ম গীতি।

ভাগবতে গায়—“নিজে ঠিক নাছি, মাংলয়ে ঠিক কহানি  
উহান যেমন ভাগা ফল গং পানীর থনাহান অছতই।  
উহানবাদে সংসারে থায়া সমাজ সেবা, জাতি সেবা, দরিদ্র  
সেবা নাঙ।

কিয়া মাংলে ভি যদি সমাজ সেবক, দরিদ্র সেবক, জাতির  
সেবকগো অর উহান অয়েলতে তোহতা মাতানি লাগতই

সমাজ মোর স্ত্রী, সমাজ মোর পুত্র, সমাজ মোর আত্মীয় কুটুম,  
সমাজ মোর বহু আকাঙ্ক্ষিত যৌবনর উপবন, মোর বান্ধকাৰ  
বারাণসী, মোর চির সাধর তুলাবন, মোর চির বাঞ্ছিত  
নবদীপ, কিন্তু কমগই এহান মাতাইগো—বেগ সৰ্বত্যাগী  
অথচ ভোগী উগই মাতে পাবতয়। —আরতাই মাতে  
নোয়ারতাই।

অধিগই মাংল—বরে ধায়েল ইজিৰ সংঘম নারতা?  
তুমি বরেন বনে আহেছ। বেগ প্রকৃত মাংল, বরে তারতা  
বনহান, তা ভোগর ভিতরে ত্যাগীগো।

সরলা মাংলো—হাও! হাওপেইল, কিন্তু আমাৰ সমাজে  
থায় সমাজ বন্ধন ছিড়ানি উহান বেগদে কঠিন—বরগরে  
বনহান হকরানিত উলংগে কঠিন—কারণ আমি নিঙলশো,  
খানিকপাৰা ডাওর আইলে নিঙলশো কি দশাহান। বে  
দশাহানর জোবে অনেক নিঙলশোর থাপক মালকর সমাজেও  
পেয়া পতিত আছি।

আর কিতা করত বুলিয়া অধিগই—“বাব, বেই ভাব,  
সেই সে উত্তম; তৰ্থ হইতা বিপবেল আচে তার ভম’ বুলিয়া  
দীক্ষা দেনা দ্বাকরল সরলা ও তুলসী আনন্দে উজ্জ্বলিত অইলা  
তাংর শুভ দীক্ষাহান অচিৰে সম্পূর্ণ অইল। সরলা ও  
তুলসী গুরুদেবতে হমাদিলা—।

স্বাভিহান গেলগা। উবাদেবী অপূৰ্ণ সাংগে সজ্জিত অয়া  
আইলি—মলয়া বৌহানলো। সরলায় তেইর গুরুদেবর  
পূজাবকা ফুল ছিড়াত হুকুলি—। তেয় বিহুলা অয়া এলাহান  
অকরল—

বসন্তর মুখা অতিথি,

আইলে মোর পাছে;

কঙাল বৌয়র, কঙালা পরশে

সাহায্য অলংকাসে।

\* \* \* \* \*

ব্যালকার গিডি গিডি বৌহানে

মোর গর কতিহান উড়ো বেলোদে

তোব আহিব কঙালা পিতুমে

অনুত থরেছে।

\* \* \* \* \*



এলাহান দিয়া দিয়া ফুল ছিড়িয়া লইকর। নিয়া  
মন্দিরগং থায়া বাবো তুলসী ছিড়াং স্বাকাগোল মুকুটি,  
তুলসীবনহানর মাঝে বয়া তুলসী ছিরি।

এবেদে তুলসীয়ে লেইমাং লেইপত করে করে করে  
এলাহান অকরেছে—

ভগবান ! নিকা নিকা আহর মোর পাছে  
তোর সত্তার মিঙাল পাওরী হৃদয় চিরে

\* \* \* \*

হৃদয় মাঝে তুলস তান  
অন্তঃসলিলা করব উজান

\* \* \* \*

প্রেমর আহির পানিলো মদৌরী চরণহান  
ভগবান নিকা দেহাদর পা মোরে  
তপ্তা আহির পানি মাঝে গরব ভুবাংদে  
ভগবান নিকা আহর মোর ঘরে।

উদার মলয়া বো'য়ে

কঙালা বেলীর মিঙালে

আছং তি তোর সবালে হাবিতার লগে লগে  
ভগবান নিকা আহর হে ! মোর ঘরে।

ব্যানকার প্রায় ৮টা, বাজিল—উপেইত সন্ন্যাসী উপই  
সরলারে ও তুলসীয়ে ডাক্‌লো। কাদাং আইলে তাঁ সরলা ও  
তুলসীয়ে মালা ছিড়াল দিয়া তাহুরে জপ করানি ভাগাইলো এং  
তাঁ তার কমণ্ডলু ধরিয়া ও তপোবন উদ্যানত নিজ্‌কত অয়া  
গেলগা। সরলা ও তুলসী অমিন্দহুন্নর মন্দির উপর বারান্দা-  
হানাং বগা হুমধুর কঙালা নাবলিলো উঠেইতরে শ্রীনাম  
কীৰ্ত্তন করানি অকরলা।

একেদে কনকপুর গাঙহানাং মহা হৈ চৈ আধান দেখা  
দিল—যে নিঙল পো ছিপো কোরাং গেছিগা। চাষিবারাদে  
খুজ থংত পড়িল কিঙ্ক কোন পাতা পো পানা ছুয়ান্না।  
তুলসীর মালক বাপক ছিগী—তুলসী সরলা—বুলতে বুলতে  
কৃষ্ণকর ছুনাংহানর সাদে দিনে দিনে কৃশ অইতে অইতে  
একেবারে কৃশকর অইল।

(ক্রমশঃ)

## বর ডিঙা

শ্রীনারায়ণ সিংহ, গ্রাম খুনো, পোঃ বাছোখরপুর

চিত্ত হারিণী জিপুয়া বালিকা

জ্যোৎস্না তেইর নাংহান,

বুকে তেইর চেঁরী ফুল ভাল

রক্তজবার কুচুহান।

প্রভু মন্দিরে পতি বর মাগিবি

আত্‌ যোর করিয়া ;

পরে ধরে ছুটল কোনাকর মিঙাল

জ্যোৎস্নার দেহ বেরিয়া।

“দে, প্রভু! দে মোর পতি’

দে মোরে হেন বর,

ঋতুরাজ বাহন কোকিলর সম

যে পর কণ্ঠ স্বর—

কোকিলর গানে মানুর মনে

বেমন বসন্ত জাগের !”

জ্যোৎস্নার বুকে চেঁরী ফুল ভাল

শাপনর বউয়ে লবের।

“দে হেন স্বামী বেগো মোর বেদে

চেঁরতই সহজ হুণে,—

বে আখী চার শ্রামল প্রান্তর

বিদ্যানকার বেলি মুখে !



ভালবাসা বেগর কানন উদার—

পাখী ডাকা ছেয়া ঢাকা ।—”

জ্যোৎস্নার বৃকে জোনাকর মিঙাল,

মেইথলে চেঁচী ফুল ঝাকা !

“দে হেন বর, আতিথে উটরতে বেগর

সাম্বনা আহের প্রাণে,

খায়তই বেগো পিছে পিছে

ভোছনার ডেকী কাব্য ভুবনে ;

সেহ অয়তই বেগর মধুর উদার

নিদার কালা ছেয়া ।—”

জোনাকর মিঙাল জ্যোৎস্নার প্রাণে,

চেঁচী ফুল তেইর কায়া ।

“দে ঠে বৃকে আছে বেগর বৃকে

ইকরা মোর নাংহান,

যদিও মাতানি নুয়ারলু এবাকা

কোন্ সময় লিখেছোহান !

কোন্ সে জনমে, কোন্ সে ভুবনে”

কোন্ পাছরা যুগে !”—

চেঁচী ফুলর বৃগে জোনাকর মিঙাল

আগের জ্যোৎস্নার বৃকে ।

## কীর্তনর খুন্তেই

ল, কা, 'স,

আজি আমার সমাজর বটী কথা আহানর এহানিগারা  
রূপ আহানি দিতে গিয়া, নিয়াম লেইরা আতলেইমার বাপক  
হুনাংমতির গজে আমার সমাজর সুধীজনএ কিশাদে কৃষ্টিত  
থয়া মহাবের মহিমা দেহাছিল। উদানর বর্ণনায় স্মাধায়  
চাউরী বৈদ্যারী ।

সতীসাক্ষী আতলেইমা চৌলর কুং ধমকরিয়া দি আহি  
ইমাম-মাল্লা বাপক হুনাংমতি বারো বুনিরটেপানা মালক নেই ।  
ভেবকশৌ তিনগর সঙ্গার আহান পাতিয়া নিজে নাহেয়া  
নাগিয়া ছৌ থানি বোঝ পরানির পিছে তেইরে তেইর বিনকর  
কথায় গাওর লম্পট গিদেইগর উপায় নাপেয়া দান দিলা ।  
খালপালিয়া গিদেইগর লাঞছনার পৌ পেয়া কালেকরএ  
তেইরে স্তার লগে নিয়া থইলগা ।

একুসম আরন্ত অরল সুধীজনর মহিমা । গাও-মটিবেল  
গিদেইগ পিষ্টিং নাগয়া ধরল । হুনাংমতির শৌরে দেখলেই  
বেড়ি দিয়া, তাম্ব অরুধনি দিতারা—

“আতলেইমা লেইরাপী ।

কড়েই বাজিয়া থেইরী ॥”

এহান হুমিয়া লাজপেয়া ধাবদিয়া বিস্তেগাই পিঠি পিঠি—  
লগ লইতারা গাওর উলংগ, অর্ধ উলংগ, তয়াআদীত কৃশিকিত  
শৌ লাংপালর গোক গোঠির ডেকি ।

আরসাদে লাংপালর গোকএ বেড় ভাগিয়া হুমেইলে  
গিবিয়া ধরা পড়িয়া বাসনে থাইতারা । কিন্তুমান এসাদে  
এতারতাত উশাদে কোন্ সন্তবনা নেই—উন্টা ভিতরে  
হুমেয়া বহং গিবিগরে ডাহিয়া দোয়াং আহুয়েয়া ধতাবেকা  
অংক-বেকা করিয়া—“বিনি বিনি বুলতে বিনকরাং মজলী”—  
বুলিয়া মাতলে, গিরি উতা উন্টা লাজপেয়া যত ভিতরে  
হুমেইকরা বুলতেই টেম্পাকল তাম্বর গজে বরণ বেলতারা ।

আকুগরে গিয়া তাম্বর বেহাই নেই । লপুকে বেহান-  
মালডেপে ও উদান । বছরে বি কিয়ার গুহান ক্ষেতি করলে  
উতার আধাআধি বাতারাতি দি-আত-হাং-আহি-কান পাচা  
লেজ-ঠেইন সাক্ষাং উদরর গোদায়ে ব্যগা । গিরিএ  
দেহিয়া কাদলে গুজুরলে ফেকুনার রূপল গোলচুপা আহুটা  
খুটন দিয়া লালতু-বেলতু করিয়া-পাহাং করিয়া মাহুয়াং উলে  
বাড়াছে বুলিয়া মাতিয়া পানি ঢালানির ছুটহান দেখুয়েয়া



টি হিগর চুল গাছি আকেইহানক উহলিয়া থৌ চালে বাঁতে  
'ম্যামশীলর' কাম করের উহান চেয়া থৈতারা।

শিছেকার মহিমাত্ দেশান্তরী অয়লি আতলেইমা। গাঙে  
গাঙে মাতকুরী করিয়া হরিনাম, লকীর্ন্তনে বিভোর অয়া  
থায়লি। \* \* \* \*

আককুড়ী বছর পিছে। তনামতি দৌরর থা পেইলপা।  
আপনভোলা বৈকরী আতলেইমা গাঙে আইলি। আকগৌ  
তেইরে চিনিলতা নেয়।

আতলেইমা ঘরে গিয়া দেখিহী তেইর ভেরকশৌ তিনগ  
নেই। আগে তান্ন খেললা জাগা উহানাং দ্রুত-বাস উঠেচে।  
আধামরা কুকুর আগ তেইরে দেখিয়া যেউ যেউ করিয়া হৌ  
কতহান দিয়া লেজগ জাহানির হাদিং ভবেয়া ঘরে তিতরে  
হমেইলগা।

মুড়গ কেত্‌ক নড়েয়া বিনকর ঘরে বেইতেগাও উহান।  
গোরু গাল আহান মাংকলে কাতা চুনিংশা বেগেয়া দাস চাৰাং  
লাগেছি।

শালইলি হেংকর ঘরে। শুকুজন থা থাইবা নিকরিয়া

হোবাকরে মুড়গর কুতিহান আচুলিয়া গাডগ কেত্‌ক নড়েয়া  
ঘরগর মুড়ে আয়া দেখিহী যে উঠানহানাং হকীং হকীং কন্  
কতগিত্‌ মহৈ কতগ চিকচিকি বৈত হানাং লেট পাটেয়া বয়া  
আছি। বারো বরগর টুঙ্গির গণে উঁহুর কতগই মাতাম্বালা  
হৈ—হৈ করিয়া ছন বাধানিত লাগেছি।

আহির পানি আর আহিত না ধরিল। হৌ-মেলিয়া হক  
চেলয়া কাঁদিয়া পাছাং অয়া মাটীত পরিয়া বেহস অয়লি  
আতলেইমা বৈকরী।………হসহান আয়া দেখিহী ভেরক  
তিনগি কানাং বয়া আছি। ভেরক ডাঙর উগর মাতল, তান্ন  
তিন ভেয়ুনি বারো দরদী বিনকে কিতায় চুড়েই অয়া আছি।  
বিয়া বাড়ী, কিন্‌সৈ খানিও করেছি জংগলে বন কাপিয়া।  
এবাক আয়াকৌ বি খানি জংগলে, লনারকা ভিটাগি  
বেছাং তান্ন আহেছি'।—বারো মাতল পিছে—

'বিনক সিদেইগরে গাঙরতায় বি-বৈর কৌনিত লপুকে  
বাড়িয়া মারিয়া কতগ ফাটকে আছি, কতগ ফাটকে মরেছি  
কতগ কালাপানীত'।

বারো আতলেইমাং থা হরিবল! হরিবল গাবনে।

## কাংচেই খেলার ইতিবৃত্ত

শ্রীমুখীলকুমার সিংহ, ডিগবই

কাংচেই খেলার আরাক নাম আহান "পোলো"। খেলা  
এহান মণিপুৰেত নিকুলিয়া "পোলো" উপাধিহানুলো ভূবিত  
অয়া পৃথিবীর কোন কাংচেলা পেয়া হাদি ফামে যৌঅইলগা  
কাংচেই খেলা এহান মণিপুৰীৰতা জাতীয় খেলাহান।

বিদেশীয়ে মণিপুৰে আয়া কাংচেই খেলা হিকিরা আজি  
পৃথিবীর হাদি ফাম খেলতারা। বিদেশীয়ে কাংচেই খেলা  
এহানরে "পোলো" খেলা বুলিয়া হারপাছি।

১৮৬৮ ইংরেজীত মণিপুৰে আহেছিলো বুটিশ মাউন্টেন  
আউল অফিসার হাবিয়ে কাংচেই খেলা হিকলা। ঐ সময়  
উহানাং খেলা জানি মণিপুৰী মাতুল দশম রয়েল হুসারে

(10th. Royal Hussar) কাংচেই খেলা হিকিরা মণিপুৰী  
তুল শিমা দিয়া ম্যাচ খেলানি অকবলা। উতার পিছে  
দশম রয়েল হুসারে (10th. Royal Hussar) ইংলেণ্ডে  
'পোলো' খেলানি আধিকার করলাগা।

ইনগাই ক্রোপেডিয়া বুটানিকা (Volum 14) উহানাং  
ঈকরেছি The English Game of polo was intro-  
duction and introduced from Manipur where  
it forms a great national pastime.

"পোলো" খেলা দেখিয়া মণিপুৰে পলিটিকেল এজেন্ট  
অছিল তার জেম্‌স জোন্‌স্টোন্‌ সাহেবে "My experience



in Manipur and Naga Hills” বলিল লেখক famous polo ground where the best play in  
উহান্নাং বৈকরেছে “Between the Residency the the world might be seen.  
Sanakaithal and the great road was the

—.—.—

## আগেদে এবাকা

শ্রীগোপীমোহন সিংহ, লোহাইব পোয়া

(মাহাকব চুটি)

(পূর্ব প্রকাশিতের পর)

অর্থাৎ সংসার এহানাত মালক বাপকর অস্তর কুককরিয়া  
পুতক বা জিলক বুলিয়া জনম অয়া দিনে দিনে মালক বাপকরে  
নানারকম দুখে আলা বতুলা দিয়া আহিলে ঐ উত্তারে তুচ্ছতা  
নিংকরিয়া তোর সরল কতলা নিস্পাপ মেইখং উহান দেহিয়া  
মন হাতৌ অইলা। ভবিষ্যতে যে কোন সংগুণ বা জ্ঞান  
আহানল শিরোমণি অয়া সমাজর দেশর দশর মুখে নাংডাক  
উড়েইতেই ঐ সময় নিজর হপাহা অস্তর ঐপলৌ তোর নাতে  
নাংপেইতাই বংশর নাতে বহিগ অয়া পাইলেতেই ঐহানর  
আশায় হীনরে হীন না গণিয়া পাপ ধর্ম; জায় অজায় বিচার  
পোয়া তুচ্ছতা নিংকরিয়া তোরে শোষণ পালন করলা।  
হানিতে ঐহানর প্রতিদানে তি যদি ডাঙর অন্যর লগে লগে  
চরখাতি, ডাকাতি শুগ্রামি, লুচামি হিকর পদে পদে ইমা বাবার  
হপালা চাম হানিক শুধু কালির নহর মাবেবর বিজা বা জ্ঞান  
বুলতারা অমৃত উত্তা পিনার কাজে সুল কলেজ বা সমাজ  
দেশেদে নিকুলিয়া অমৃততে চিপিয়া বেলেয়া শুধু ছাংগল  
আহর উগাদে পুতক বা জিলক অর্থাৎ ছাত্রছাত্রী উত্তাতে  
জিপুত বুলিয়া জনম নাছি বা মরেছি ঐতাই শতগুণ হবা।  
হাবিগে হারপাছি যে শুধুগেই এগ সেনকম চিপিয়া লিনা থানা  
বা তেইব শৌ স্তমাল গৃহস্থীহান চাংগল করানি বা ধন  
পয়সা থামি আহ আমদানি করানি। উহানল গেই এগরেও  
মালক আগর সানে নিংকরিয়াব। কত আদর বহু করিয়া  
খোয়ানি পিওয়ানির চেষ্টা করিয়ার। কিন্তু শেষ ফলে বহি

কোনশৌ স্তমারা না দিয়া বাকি অপড়গেগা কিহান  
মনৌতাঙায়? ঐ গুহ ঐগ পোদন পালন করানির কোন  
মূল্য পারতা?

আজিকার স্বাধীন ভারতর মাঝে শাস্ত্র, কাব্য, বিজ্ঞান,  
ইতিহাস, ভূগোল, নানারকম শিল্প, উদ্ভিদবিদ্যা চিকিৎসা  
যতইতি বিজ্ঞা যেতি এলা নাছা ডাকেস্ত অকরে বাদ না দিয়া  
বুড়ির গায় দিয়া হিকামির শ্রবণ দেব দিনে হোমার কিতাব  
চপে চিত্তা হীন। মাজ মন হানরে একান্ত করে সেইতা  
সংকল্প করিয়া যে কোন বিজ্ঞা আকতার অধিকারী অন্য  
ধর। লেইরা বড়া সমাজ জন তা না বাসের। বাপক  
মালকে নোয়ারতারা বিজ্ঞা ঐতা আ হিকাদেয় দিনে শুধুমাত্র  
বহিববর পোবাক পরিচ্ছন্ন বা চলাফিরাল মন্ত অয়া নিজর  
উদ্বেগ বা সংকল্প না পাহরিব। মোর বাহণে ধান বুছে  
আছেরে মাহিতে আপ্পানেও খাইলনাত আতিতাই বুলিল কথা  
আহান আছে। অর্থাৎ গারিগর মাঝে গুণ আহানরে  
খাইলেতে আপ্পানেও তোরাং আয়া বেনারকা ঘটতায়। ঐ  
জ্ঞান গুণ দিয়াঐ না কুবতই বরং তাঙারগ আয়াকৌ চাপল  
কাইটে।

ঐ দিন তি কিলবে অইতেই তোর জ্ঞান গুণর অমৃত  
ধারা চারিবারাদে অসীম অনন্ত সাগরগর সাদে ছিলইটে।  
মালক বাপকর লক্ষ্যন ঐ চিনতেই তাহুঐ তোরে দেহিয়া  
এদিন হাবিব (মাহাক পাইল)।

প্রতি সংখ্যা ১০ চারি আনা

বৎসরে ৩১ তিন টাকা মাত্র।

অগ্রিম মূল্য ৩১ তিন টাকা।

করিমগঞ্জ সুব্রহ্মণ্য প্রেস হইতে সম্পাদক শ্রীকৃষ্ণবাবু সিংহ রায়বংশী কর্তৃক মুদ্রিত ও প্রস্তুতহুতা কাণ্ড পত্রিকা অফিস হইতে প্রকাশিত